

春秋左傳詁

春秋左傳詁卷六

陽湖洪亮吉學

傳

莊公元年春不稱卽位文姜出故也詁魏書引服虔注云文姜通于兄齊襄與殺公而不反父殺母出隱痛深諱期而中練思慕少殺念至于母故經書三月夫人孫于齊既有念母深諱之文明無讐疾告列之理三月夫人孫于齊不稱姜氏絕不爲親禮也詁魏書引注云夫人有與殺桓之罪絕不爲親得尊父之義善莊公思大義絕有罪故曰禮也按說苑亦云絕文姜之屬而不爲不愛其母正可與服說相發明杜注似非秋築王姬之館于

外為外禮也

二年冬夫人姜氏會齊侯于禚書姦也

三年春溺會齊師伐衛疾之也 夏五月葬桓王緩也

秋紀季以鄆入于齊紀於是乎始判說文判分也此杜本

冬公次于滑將會鄭伯謀紀故也鄭伯辭以難凡師一宿

為舍再宿為信過信為次賈逵云若魯公次乾侯之比

本疏詩毛傳一宿曰宿再宿曰信

四年春王三月楚武王荆尸爾雅尸陳也此杜本授師子

焉以伐隨注云子句子考工記疏方言楚謂戟為子杜本將

齊人告夫人鄧曼曰服虔云鄧曼姓史記集解余心蕩賈

逵云蕩搖也上同鄧曼歎曰王祿盡矣盈而蕩天之道也

先君其知之矣故臨武事將發大命而薨王心焉若師徒  
無虧王薨於行國之福也王遂行卒於楠木之下說文  
楠松心木按杜注止云木名故采說文補之或說文本  
賈氏說也高誘淮南王書注楠讀姓楠氏之楠釋文及  
正義俱云有曼朗二音疑非正義又疑楠木爲朗榆亦  
不見說文之故余以歲己未遣戍伊犁道過天山樹如  
松者萬株土人尙呼爲楠驗之皆松心木與說文無異  
又考竟陵縣武來山一名楠木山樂史稱祁國志左傳  
楚武王卒於楠木之下卽此山令尹闕祁莫敖屈重說文  
按此屈重當係屈瑕之子除道梁澁說文澁水在漢  
南荊州浸也春秋傳曰修除梁澁按今本修涂作除道

然考杜注則杜時本已與漢異又按說文滢荊州浸本  
周禮職方而釋例以爲義陽縣西滢水亦誤滢釋文引  
高貴鄉公音側稼反云水名字林壯加反營軍臨隨隨  
人懼行成莫敖以王命入盟隨侯且請爲會於漢汭而還  
語鄭元尙書注汭之言內也杜本此濟漢而後發喪紀  
侯不能下齊以與紀季夏紀侯大去其國違齊難也語韋

昭國語注違避也杜本此

五年秋郕犁來來朝名未王命也 冬伐衛納惠公也  
六年春王人救衛 夏衛侯入放公子黔牟于周放甯跪  
于秦語說文放逐也殺左公子泄右公子職乃卽位君子  
以二公子之立黔牟爲不度矣夫能固位者必度其本末

而後立衷焉不知其本不謀知本之不枝弗強詩云本枝

百世詩大雅作支冬齊人來歸衛寶文姜請之也楚文王伐

申過鄧鄧祁侯曰韻謚法治典不殺曰祁吾甥也韻爾雅

謂我舅者吾謂之甥釋名舅謂姊妹之子曰甥杜本止此

而享之騶甥古今人表作駐明甥養甥請殺楚子鄧侯弗許三甥

曰亡鄧國者必此人也若不早圖後君噬齊韻按玉篇引

左傳作臍臍俗字當作齊釋名臍劑也腸端之所限制

也說文噬啗也喙也齧字下注云齧噬也杜本此其及圖

之乎圖之此爲時矣鄧侯曰人將不食吾餘對曰若不從

三臣抑社稷實不血食而君焉取餘弗從還年楚子伐鄧

十六年楚復伐鄧滅之

七年春文姜會齊侯于防齊志也 夏恆星不見夜明也  
星隕如雨與雨偕也詩毛傳偕俱也杜本秋無麥苗不  
害嘉穀也

八年春治兵于廟禮也

公羊作祠兵

按周禮大司馬之職貢

公彥正義引此傳治兵于廟禮也又引注云三年而治  
兵與秋同名兵將出故曰治兵今杜注無之則公彥所  
引當係服說夏師及齊師圍郕郕降于齊師仲慶父請  
伐齊師公曰不可我實不德齊師何罪罪我之由夏書曰  
皋陶邁種德孔安國尚書傳邁行也說文邁遠行也按  
書傳及爾雅等皆訓邁爲行杜注邁勉也邁字無勉義  
恐非德乃降姑務修德以待時乎秋師還君子是以善

魯莊公 齊侯使連稱管至父戌葵丘𡵓賈逵云連稱管

至父皆齊大夫

史記集解

京相璠曰齊西五十里有葵丘

水經

注杜

同此瓜時而往曰及瓜而代𡵓服虔云瓜時七月及瓜

爲後年瓜時期成公問不至𡵓說文問訊也按杜注問

命也恐非請代弗許𡵓尉繚子曰兵戍過一歲遂亡不

候代者法比亡軍故謀作亂僖公之母弟曰夷仲年生

公孫無知

古今人表作公子无知

有寵於僖公衣服禮秩如適𡵓按

說文秩字下云積也詩云積之秩秩𡵓字下注云爵之

次第也虞書曰平𡵓東作是二字文義俱別經典从省

借秩爲𡵓耳襄公𡵓之𡵓說文𡵓貶下也廣韻𡵓亦作

紉按𡵓古字同文元年傳𡵓乃亂也史記卽作𡵓二



人因之以作亂連稱有從妹在公宮詒服虔云為妾在宮

也史記集解無寵使間公詒王肅云候公之間隙廣雅間覲

也杜本此曰捷詒詩毛傳捷勝也吾以女為夫人冬十二

月齊侯游于姑券詒賈逵云姑券齊地也史記集解遂田于貝

丘史記作沛丘詒京相璠曰博昌縣南近澠水有地名貝丘在

齊城西北四十里水經注杜同此按地理志清河郡貝丘應劭

曰左氏傳齊襄公田于貝丘是酈元以應說為疎今考

貝丘縣故城在今廣平府清河縣界春秋時屬齊國雖

較博昌為遠然齊侯出田本無定地景公欲觀轉附朝

儔遵海而南又豈得以遠疑之乎應說或當有據也見

大豕史記豕作彘從者曰公子彭生也公怒曰彭生敢見射之

**語**服虔云公見甕從者乃見彭生鬼改形爲豕也

史記集解

杜取此

豕人立而啼

**語**服虔云啼呼也

文選注

公懼隊于車

傷足喪屨反誅屨

**語**孔安國論語注誅責也

杜本此

於徒人

費

史記作弗

**語**按古今人表有寺人費師古曰卽徒人費也據

此則費蓋宦者弗得鞭之見血走出遇賊于門劫而束

之

**語**鄭元禮記注劫脅也

費曰我奚御哉袒而示之背

**語**廣雅袒解也信之費請先入伏公而出鬪死于門中

石之紛如死于堦下遂入殺孟陽于牀

**語**說文牀安身之

坐也曰非君也不類見公之死于戶下遂弑之而立無

知初襄公立無常鮑叔牙曰君使民慢亂將作矣奉公子

小白出奔莒亂作管夷吾召忽奉公子糾來奔初公孫

無知虐于雍廩

史記作雍林

**詰**賈逵云葵丘大夫

史記集解

史記齊

世家齊君無知游于雍林雍林人嘗有怨無知及其往游雍林人襲殺無知按梁元帝金樓子亦與史記同古今人表又作雍稟人稟廩古字通水經注作離稟今考若據史記金樓子則雍林地名據賈逵注及檢古今人表則雍廩人名今細釋經傳上云虐于雍廩下經云齊人殺無知傳又云雍廩殺無知則當以人名為是杜注亦取賈說

九年春雍廩殺無知

公及齊大夫盟于饒齊無君也

夏公伐齊納子糾桓公自莒先入秋師及齊師戰于乾時我師敗績公喪戎路傳乘而歸按漢書宣帝紀得毋用

傳集注傳謂傳舍今考此傳乘亦謂乘驛傳以歸杜注

云乘他車恐誤秦子梁子以公旗辟于下道是以皆止

**詒**韋昭國語注止獲也

杜本此

鮑叔帥師來言曰子糾親

也請君討之管召讐也請受而甘心焉乃殺子糾于生竇

史記作生竇

**詒**賈逵云生竇魯地句竇

史記索隱杜取此

地理志濟

陰郡句陽應劭曰左氏傳句瀆之丘也召忽死之**詒**按

論語自經于溝瀆即指召忽襄十九年齊莊公執公子

牙于句瀆之丘句竇溝瀆音同據此則召忽之死蓋自

經也後漢書應劭傳載劭議亦云昔召忽死于糾之難

而孔子曰經于溝瀆人莫之知是也管仲請囚鮑叔受

之及堂阜而稅之**詒**

賈逵云堂阜魯北境

史記集解

按文十五

年傳飾棺置諸堂阜明堂阜爲齊魯交界旣至齊境故  
卽釋其縛也歸而以告曰管夷吾治於高俟歸賈逵云  
齊正卿高敬仲也同上秘笈新書齊太公六代孫文公子

高孫俟以王父字爲氏使相可也公從之

十年春齊師伐我公將戰曹劌請見

戰國策劌作洌呂其覽又作劌並音同

鄉人曰肉食者謀之又何間焉劌曰肉食者鄙未能遠謀  
乃入見問何以戰公曰衣食所安弗敢專也必以分人對  
曰小惠未徧民弗從也公曰犧牲玉帛弗敢加也必以信  
對曰小信未孚國虜翻易注孚信也按杜隨文生訓故加  
大字神弗福也公曰小大之獄雖不能察必以情對曰  
忠之屬也可以一戰戰則請從公與之乘戰于長勺公將

鼓之剡曰未可齊人三鼓剡曰可矣齊師敗績公將馳之  
剡曰未可下視其轍說文轍車迹也登軾而望之曰可  
矣遂逐齊師既克公問其故對曰夫戰勇氣也一鼓作氣  
再而衰三而竭彼竭我盈故克之夫大國難測也懼有伏  
焉吾視其轍亂望其旗靡說文靡披靡也故逐之夏  
六月齊師宋師次于郎公子偃曰宋師不整可敗也宋敗  
齊必還請擊之公弗許自雩門竊出說文廣雅竊私也蒙皋  
比而先犯之說文樂記曰倒載干戈蒙之以虎皮名之曰建  
橐鄭元以爲兵甲之衣曰橐橐輜也而其字或作建皋  
故服虔引以解此本疏杜公從之大敗宋師于乘丘齊  
師乃還蔡哀侯娶于陳息侯亦娶焉息嬀將歸過蔡蔡

侯曰吾姨也

李善文選注引此傳作是吾姨也

**詁**爾雅妻之姊妹同出為

姨釋名妻之姊妹曰姨姨弟也言與己妻相長弟也

杜本

此止而見之弗賓息侯聞之怒使謂楚文王曰伐我吾

求救於蔡而伐之楚子從之秋九月楚敗蔡師于莘以蔡

侯獻舞歸 齊侯之出也過譚譚不禮焉及其入也諸侯

皆賀譚又不至冬齊師滅譚譚無禮也譚子奔莒同盟故

也

十一年夏宋為乘丘之役故侵我公禦之宋師未陳而薄

之**詁**高誘淮南王書注薄迫也廣雅同敗諸鄱凡師敵未

陳曰敗某師皆陳曰戰大崩曰敗績得僞曰克**詁**釋文本

或作俊按漢書顏師古陳湯傳注引此作得俊曰克玉

篇云備同俊也覆而敗之曰取某師韻服虔云覆隱也

設伏而敗之謂攻其無備出其不意敵人不知敗之易

故曰取本京師敗曰王師敗績于某釋文本或作京秋

宋大水公使弔焉韻賈逵云問凶曰弔史記集解曰天作淫雨

害於粢盛若之何不弔鄭元周禮注引對曰孤實不敬天

降之災又以爲君憂拜命之辱臧文仲曰宋其興乎禹湯

罪己其興也悖焉釋文一本一作勃今按爾雅釋詁作悖正

興也勃然呂覽當梁篇韻廣雅淳盛也杜本桀紂罪人

其亡也忽焉韻廣雅忽疾也杜本且列國有凶稱孤禮也

言懼而名禮其庶乎既而聞之曰公子御說之辭也史記御作

御古今詒史記宋世家此言乃公子魚教湣公也與左



傳異按子魚卽公子目夷至僖八年始見左傳距此尙三十餘年史記說非也當以左傳爲是臧孫達曰註世本孝公生僖伯彊彊生哀伯達達生伯氏瓶瓶生文仲辰惠棟曰此傳先載文仲之言不應後錄哀伯之語達當爲辰字之誤也桓二年傳先稱臧哀伯後云臧孫達與此一例今按哀伯此時當已久卒故文仲世其職明達爲辰字之誤是宜爲君有恤民之心 冬齊侯來逆其姬註按此則王姬後諡爲其與衛其姬同是齊侯之妃有兩其姬矣衛其姬見僖十七年傳乘丘之役公以金僕姑註玉篇作鑢鑢云春秋僕姑射南宮長萬註賈逵云南宮氏萬名宋卿史記集解按下年經書宋萬弑其君則萬

本宋卿可知杜注云宋大夫又云不書獲萬時未爲卿則杜意以萬歸宋後始爲卿也無論見獲歸宋爲時甚暫未必以此時爲卿且下年傳書萬殺大宰督于東宮之西督爲宋王卿經亦不書則此年不書獲萬亦經文簡略終當以賈說爲是公右欲孫生搏之宋人請之宋公靳之服虔云恥而惡之曰靳本疏玉篇釋文戲而相媿

曰靳杜同曰始吾敬子今子魯囚也吾弗敬子矣病之

十二年秋宋萬弑閔公子于蒙澤諡法在國遭憂曰愍又

在國逢難曰愍又禍亂方作曰愍按史記作潛漢書五

行志作愍閔愍潛音義竝同賈逵云蒙澤宋澤名也史記

集解郡國志梁國蒙縣有蒙澤杜同十三州志蒙澤在蒙

縣東水經注

遇仇牧于門批而殺之按一切經音義引

此傳作挽而殺之今考說文挽反手擊也今本作批非

是公羊傳萬臂撥仇牧碎其首何休云側手曰撥則義

與說文反手擊亦同玉篇作挽云手擊也字林廣雅皆

作批云批擊也相沿已久姑承之遇大宰督于東宮之

西又殺之立子游羣公子奔蕭公子御說奔毫服虔云

蕭毫宋邑也

上同地理志沛郡蕭故蕭叔國杜本

山陽郡

薄臣瓚曰湯所都郡國志薄屬梁國按毫薄古字通杜

預注薄城中有成湯冢亦本皇覽南宮牛猛獲帥師圍

毫冬十月蕭叔大心及戴武宣穆莊之族以曹師伐之殺

南宮牛于師殺子游于宋立桓公猛獲奔衛南宮萬奔陳

以乘車輦其母詒高誘呂覽注人引車曰輦杜本一日而

至宋人請猛獲于衛衛人欲勿與石祁子曰不可天下之

惡一也惡於宋而保於我保之何補得一夫而失一國與

惡而棄好非謀也衛人歸之亦請南宮萬于陳以賂陳人

使婦人飲之酒詒服虔云宋萬多力勇不可執故先使婦

人誘而飲之酒醉而縛之史記集解而以犀革裹之比及宋

手足皆見宋人皆醢之詒服虔云醢肉醬同上杜本

十三年春會于北杏以平宋亂遂人不至夏齊人滅遂

而戍之冬盟于柯始及齊平也宋人背北杏之會

十四年春諸侯伐宋齊請師于周夏單伯會之取成于宋

而還鄭厲公自櫟侵鄭及大陵詒京相璠曰潁川臨潁

縣東北二十五里有故巨陵亭古大陵也

水經注

獲傳瑕

史記作甫瑕

傳瑕曰苟舍我吾請納君與之盟而赦之六月

甲子傳瑕殺鄭子及其二子而納厲公初內蛇與外蛇鬪於鄭南門中內蛇死六年而厲公入詩叔虞云蛇北方水

物水成數六故六年而厲公入

本疏

公聞之間於申繻曰

猶有妖乎對曰人之所忌其氣炎以取之韻釋文石經本

竝作炎後人妄改燄按漢書五行志引傳作炎師古曰

炎音弋贍反藝文志亦作炎師古曰炎謂火之光始燄

燄也炎讀與燄同三符潛夫論引此亦作其氣炎以取

之今从諸家改定妖由人興也人無覺焉妖不自作

漢書

藝文志妖竝作詖按大戴禮易本命詖變數起漢書文帝紀除詖言之罪師古曰詖同妖人弃常則

妖興故有妖

漢書藝文志此二句在人無孽焉句上并一作失

厲公入遂殺傅瑕

使謂原繁曰

史記作而讓其伯父原無繁字

傅瑕貳周有常刑既伏其罪

矣納我而無二心者吾皆許之上大夫之事吾願與伯父

圖之且寡人出伯父無裏言入又不念寡人寡人感焉對

曰先君桓公命我先人典司宗祏說文祏宗廟主也周

禮有郊宗石室

杜本此

社稷有主而外其心其何貳如之

苟主社稷國內之民其誰不爲臣臣無二心天之制也子

儀在位十四年矣而謀召君者庸非貳乎莊公之子猶有

八人若皆以官爵行賂勸貳而可以濟事君其若之何臣

聞命矣乃縊而死

蔡哀侯爲莘故誣息媯

按釋文稱

說文作誣今說文本闕廣雅云誣譽也周書皇門解云

是陽是繩繩誨古字同呂覽周公旦作詩以誨文王之  
德孔鮒曰誨之譽之也表記曰君子不以口譽人鄭注  
譽誨也此杜本以語楚子楚子如息以食入享遂滅息以  
息嬀歸生堵敖及成王焉國史記作杜敖按史記楚世家  
曰子熊羆立是爲杜敖索隱曰杜音側壯反十二諸侯  
年表作堵敖索隱曰世家作莊敖劉音壯此作杜敖劉  
氏云亦作杜杜堵聲相近又與世家乖未識誰是古今  
人表又作杜敖師古曰卽堵敖今考索隱云云則楚世  
家杜敖當作莊敖莊作杜傳寫誤也未言楚子問之對  
曰吾一婦人而事二夫縱弗能死其又奚言楚子以蔡侯  
滅息遂伐蔡秋七月楚入蔡君子曰商書所謂惡之易也

如火之燎于原不可鄉邇其猶可撲滅者其如蔡良侯乎  
冬會于鄧宋服故也

十五年春復會焉齊始霸也 秋諸侯爲宋伐鄆 鄆人

問之而侵宋

十六年夏諸侯伐鄭宋故也

釋文本或作爲宋故

鄭伯自櫟入緩告

于楚秋楚伐鄭及櫟爲不禮故也鄭伯治與於雍糾之亂

者九月殺公子闕別強鉏

古今人表強作彊

釋文隱十一年鄭

有公孫闕距此三十五年不容復有公子闕若非闕字

誤則子當爲孫公父定叔出奔衛三年而復之曰不可

使其叔無後於鄭使以十月入曰良月也就盈數焉謂服

虔云定叔之祖公叔段有伐君之罪宜世不長而云不



可使其叔無後於鄭言其刑之偏頗鄭厲公以逆篡適  
同惡相恤故黨於共叔欲令其後不絕傳所以惡厲公  
也本疏君子謂強鉏不能衛其足 冬同盟于幽鄭成也  
王使虢公命曲沃伯以一軍爲晉侯初晉武公伐夷執  
夷詭者爲國請而免之旣而弗報故子國作亂謂晉人曰  
與我伐夷而取其地遂以晉師伐夷殺夷詭諸周公忌父  
出奔虢惠王立而復之

十七年春齊人執鄭詹鄭不朝也 夏遂因氏領氏工婁  
氏須遂氏饗齊戍醉而殺之齊人殲焉

十八年春虢公晉侯朝王王饗醴命之宥皆賜玉五韍  
韍釋文引倉頡篇韍作珪雙玉爲韍故字从兩玉按說文

殺字下云珏或从殺馬三匹非禮也王命諸侯名位不

同禮亦異數

隋書經籍志引作節文異數

不以禮假人

虢公晉侯鄭

伯使原莊公逆王后于陳陳嬀歸于京師實惠后夏公

追戎于濟西不言其來諱之也

秋有蜚爲災也

**詔**服虔

云短狐南方盛暑所生其狀如鼃古無今有含沙射人

入皮肌中其瘡如疥徧身溲溲或或故爲災

周禮疏

初楚

武王克權使鬬緡尹之以叛圍而殺之遷權于邾處

**詔**按

史記管蔡世家曰封季載于冉索隱曰冉或作邾國語

曰冉季鄭姬賈逵云文王子泚季之國也莊十八年楚

武王克權遷于邾處邾與邾皆音奴甘反使閭敖尹之

及文王卽位與巴人伐申而驚其師巴人叛楚而伐邾處

取之遂門于楚閭敖游涌而逸水經江水又東南當華

容縣南涌水入焉

杜本此

春秋所謂閭敖游涌而逸者也

道元注

楚子殺之其族爲亂冬巴人因之以伐楚

十九年春楚子禦之大敗于津

水經注引作大敗于津鄉

應劭曰南

郡江陵縣有津鄉

水經注杜本此

郡國志同

杜本此

還鬻拳弗納

古今人表作鬻拳

鄭元箴膏肓曰鬻拳楚同姓遂伐黃

國志汝南郡弋陽侯國有黃亭故黃國嬴姓

杜同此

敗黃

師于踏陵還及湫有疾夏六月庚申卒鬻拳葬諸父室亦

自殺也而葬於經皇按宣十四年傳屢及於室皇經與

室通正義云室皇當是寢門闕此經皇或是冢前闕也

初鬻拳強諫楚子楚子弗從臨之以兵懼而從之鬻拳曰

吾懼君以兵罪莫大焉遂自刎也楚人以爲大閹謂之大

伯使其後掌之君子曰鬻拳可謂愛君矣諫以自紓於

刑猶不忘納君於善 初王姚嬖于莊王生子穰釋文及別本作

類誤按石經及宋本並作穰舊本外傳亦作穰並與說文合今从改正下並同子穰有寵爲國

爲之師及惠王卽位取爲國之圃以爲圃說文種菜曰

圃圃圃有垣也按哀十五年服虔注圃圃也又鄭注周

禮圃今之苑杜取此邊伯之宮近於王宮王取之王奪子

禽祝跪與詹父田而收膳夫之秩鄭元周禮注秩祿廩

也杜本此故薦國邊伯石速外傳速作邀按說文邀猶文

古速詹父子禽祝跪作亂因蘇氏 秋五大夫奉子穰

以伐王不克出奔溫蘇子奉子穰以奔衛衛師燕師伐周

冬立子穧

二十年春鄭伯和王室不克執燕仲父註服虔云南燕伯

爵

杜取此

夏鄭伯遂以王歸王處于櫟註服虔云櫟鄭大

都

史記集解

秋王及鄭伯入于鄔遂入成周取其寶器而還

冬王子穧享五大夫樂及徧舞註賈逵云徧舞皆舞六代

之樂

史記集解杜取此

鄭伯聞之見虢叔曰寡人聞之哀樂失

時殃咎必至今王子穧歌舞不倦樂禍也夫司寇行戮君

爲之不舉而況敢樂禍乎姦王之位禍孰大焉臨禍忘憂

憂必及之盍納王乎虢公曰寡人之願也

二十一年春胥命于弭夏同伐王城鄭伯將王自圉門入

虢叔自北門入殺王子穧及五大夫鄭伯享王于闕西辟

**詔**服虔云西辟西徧也當爲兩觀之內道之西也本頽

容云闕者上有所失下得書之于闕水經廣雅象魏闕

也杜本樂備王與之武公之略自虎牢以東地理志

河南郡成皋故虎牢穆天子傳七萃之士生捕虎卽獻

天子天子畜之東號號曰虎牢原伯曰鄭伯效尤其亦

將有咎五月鄭厲公卒王巡號守釋文本號公爲王宮于

玕王與之酒泉鄭伯之享王也王以后之鞶鑑予之號公

請器王予之爵史記鄭世家云惠王不賜厲公爵祿索

隱曰此言爵祿與左氏說異鄭伯由是始惡于王服

虔云鞶鑑王后婦人之物非所以賜有功爵飲酒器王

爵也一升曰爵爵人之所貴也言鄭伯以其父得賜不

如號公爲是始惡于王積而成怨本疏冬王歸自號

二十二年春陳人殺其太子御寇公穀釋文御皆作禦陳公子完與

顓孫奔齊顓孫自齊來奔齊侯使敬仲爲卿辭曰羈旅之

臣註賈逵云羈寄旅客也史記集解杜取此幸若獲宥註何休公

羊傳宥赦也杜本此及於寬政赦其不閑於教訓而免於

罪戾風俗通於作諸弛於負儋註鄭元周禮注弛釋下之按杜注

弛去離也義轉屈曲說文儋何也从人詹聲按漢書貨

殖傳漿千儋師古曰儋人儋之也一儋兩甕漢碑凡負

儋字皆作儋諸刊本竝作擔非是今據改君之惠也所

獲多矣敢辱高位以速官謗請以死告詩云翹翹車乘註

服虔云翹翹遠貌詩疏杜取此招我以弓豈不欲往畏我友

朋使爲工正

**詒**

賈逵云掌百工

史記集解杜取此

漢大府陳球碑

云公子完適齊爲桓公公正按古公工通惠士奇亦同

飲桓公酒樂公曰以火繼之辭曰臣卜其書**詒**服虔云臣

將享君必卜之示戒慎也

本疏按詩湛露疏引此又云示敬慎也

未卜其

夜不敢君子曰酒以成禮不繼以淫

風俗通

義也以君成

禮弗納於淫仁也初懿氏卜妻敬仲**詒**

曲禮龜曰卜

杜本此

按傳上云臣卜其晝杜舍前而注後亦誤其妻占之曰

吉是謂鳳皇于飛和鳴鏘鏘有媯之後**詒**穎容釋例云舜

居西域本日媯訥

御覽

將育于姜五世其昌竝于王卿**詒**

服虔云言完後五世與卿竝列

史記集解

八世之後莫之與

京**詒**賈逵云京大也

同上杜取此

按與下文物莫能兩大同陳



厲公蔡出也詁爾雅姊妹之子曰出杜本故蔡人殺五父

而立之生敬仲其少也周史有以周易見陳侯者陳侯使

筮之詁曲禮著曰筮杜本遇觀三三詁王充曰卜曰逢筮

曰遇之否三三詁賈逵云坤下巽上觀坤下乾上否同

又云觀爻在六四變而之否漢上易正義云服說亦同

杜取此曰是謂觀國之光利用賓于王此其代陳有國乎

不在此其在異國周禮疏引此非此其身在其子孫光遠

而自他有耀者也石經刊本並坤土也巽風也乾天也風

為天於土上山也有山之材而照之以天光於是乎居土

上故曰觀國之光利用賓于王劉用熙以此上庭實旅百

詁韋昭云庭實庭中之實百舉成數也爾雅旅陳也杜本

此奉之以玉帛天地之美具焉故曰利用賓于王猶有

觀焉故曰其在後乎風行而著於土詒服虔云巽在坤上

故爲著土也一曰巽爲風復爲木風吹木實落去更生

他土而長育是爲在異國本故曰其在異國乎若在異

國必姜姓也姜大嶽之後也詒周語云堯命禹治水其之

從孫四嶽佐之賈逵注其共工也從孫同姓末嗣之孫

四岳官名太岳也主四岳之祭焉本山嶽則配天物莫

能兩大陳衰此其昌乎及陳之初亡也陳桓子始大於齊

其後亡也成子得政

二十三年夏公如齊觀社非禮也曹劌諫曰不可夫禮所

以整民也故會以訓上下之則制財用之節朝以正班爵

之義帥長幼之序征伐以討其不然諸侯有王詒按賈公彥周禮疏引此傳文并引注云有王朝于王疑是服注王有巡守以大習之詒管子幼官篇曰千里之外二千里之內諸侯三年而朝習命二千里之外三千里之內諸侯五年而會至習命惠棟曰此所云大習者蓋習會朝之教命也非是君不舉矣君舉必書書而不法後嗣何觀 晉桓莊之族偏獻公患之士蒍曰詒賈逵云晉大夫

史記集解杜取此

去富子則羣公子可謀也已詒按尋繹上下

文義疑富子爲羣公子之一非強族卽係多知術能爲羣公子謀畫者譖而去之則羣公子失謀主矣杜以富強解之恐誤公曰爾試其事士蒍與羣公子謀譖富子

而去之 秋丹桓公之楹

二十四年春刻其桷皆非禮也御孫諫曰

古今人表作禦

御外傳作匠師慶韋昭曰掌匠大夫御孫之名也下御孫曰外傳作宗人夏父展曰

臣聞之儉德

之其也侈惡之大也先君有共德而君納諸大惡無乃不

可乎

秋哀姜至公使宗婦覲用幣非禮也御孫曰男贄

大者玉帛小者禽鳥以章物也女贄不過榛栗棗脩詔說

文亲果實如小栗春秋傳曰女贄不過亲栗廣雅亲栗

也按榛說文木也一曰敢也高誘淮南王書注叢木曰

榛此女贄之亲當以說文廣雅爲是先儒以爲栗取其

戰栗也棗取其早起也脩取其自修也惟榛無說惠棟

云正義以爲榛聲近虔失之外傳魯語曰夫婦贄不過

棗栗以告虔也不及榛脩明榛不訓虔唐元度九經字  
樣引傳作業以榛爲業經典相承隸變以告虔也詩  
毛傳虔敬也杜本今男女同贄是無別也男女之別國  
之大節也而由夫人亂之無乃不可乎 晉士蔣又與羣  
公子謀使殺游氏之二子士蔣告晉侯曰可矣不過二年  
君必無患

二十五年春陳女叔來聘始結陳好也嘉之故不名 夏  
六月辛未朔日有食之鼓用牲于社非常也唯正月之朔  
慝未作詩鄭元周禮注慝陰姦也杜畧本此日有食之於是乎  
用幣于社伐鼓于朝 秋大水鼓用牲于社于門亦非常  
也凡天災有幣無牲非日月之眚不鼓詩韋昭國語注眚

猶灾也

杜本此

晉士蔣使羣公子盡殺游氏之族乃城聚

**詒**

賈逵云聚晉邑

史記集解杜取此

而處之冬晉侯圍聚盡殺

羣公子

二十六年春晉士蔣爲大司空夏士蔣城絳**詒**地理志河

東郡絳晉武公自曲沃徙此

杜本此

以深其宮

秋虢人

侵晉冬虢人又侵晉

二十七年春公會杞伯姬于洮非事也天子非展義不巡

守諸侯非民事不舉卿非君命不越竟夏同盟于幽陳

鄭服也秋公子友如陳葬原仲非禮也原仲季友之舊

也冬杞伯姬來歸甯也凡諸侯之女歸甯曰來出曰來

歸夫人歸甯曰如某出曰歸于某晉侯將伐虢士蔣曰

不可號公驕若驟得勝於我必弃其民無眾而後伐之欲  
禦我誰與夫禮樂慈愛戰所畜也夫民讓事樂和愛親哀  
喪而後可用也號弗畜也亟戰將饑王使召伯廖賜齊  
侯命且請伐衛以其立子殯也

二十八年春齊侯伐衛戰敗衛師數之以王命取賂而還  
晉獻公娶于賈無子烝於齊姜生秦穆夫人及大子申  
生又娶二女于戎大戎狐姬生重耳小戎子生夷吾

**語**狐氏出自唐叔狐伯行之子實生重耳按史記又云

夷吾母重耳母女弟又云秦穆夫人爲太子申生同母

女弟皆與此傳顯違竝不足據他倣此晉伐驪戎驪戎

男女以驪姬

淮南王書作驪姬呂覽又作麗云亦作驪

歸生奚齊

**語**

地理志涼

兆尹新豐驪山在南故驪戎國

杜本此

按莊子齊物論麗

之姬艾封人之子也麗艾聲相近其娣生卓子歸史記

晉世家曰驪姬女弟生悼子索隱曰左傳作卓子徐廣

曰一作倬按倬倬字形相近傳寫誤耳驪姬嬖欲立其

子賂外嬖梁五與東關嬖五使言於公曰曲沃君之宗也

蒲與二屈歸

地理志河東郡有蒲子北屈二縣

杜本此

按韋

昭漢書注又云蒲今蒲坂按有南北二屈故云二水經

注稱汲郡古文云翟章救鄭次于南屈應劭曰有南故

稱北是二屈之證村注二當爲北誤君之疆也不可以

無主宗邑無主則民不威疆場無主則啟戎心戎之生心

民慢其政國之患也若使大子主曲沃而重耳夷吾主蒲



與屈則可以威民而懼戎且旌君伐按史記晉世家集

解引賈逵云旌表也則賈注此傳當亦同廣雅亦云旌

表也杜云旌章也蓋用韋昭國語注下伐功亦同使俱

曰狄之廣莫於晉為都晉之啟土不亦宜乎晉侯說之夏

使大子居曲沃重耳居蒲城夷吾居屈羣公子皆鄙唯二

姬之子在絳二五卒與驪姬譖羣公子而立奚齊晉人謂

之二五耦考工記耦廣五寸二耦為耦楚令尹子

元欲蠱文夫人伏曼容易注蠱惑亂也為館

於其宮側而振萬焉鄭元禮記注振動也何休公羊傳

萬者何干舞也杜本夫人聞之泣曰先君以是舞也習

戎備也今令尹不尋諸仇讐小爾雅尋用也而於

未亡人之側不亦異乎御人以告子元子元曰婦人不忘  
襲讐我反忘之秋子元以車六百乘伐鄭入于桔枋之門

**詁**玉篇閭闕鄭城門左傳作桔枋子元鬪御疆鬪梧耿

之不比爲旆**詁**爾雅緇廣充幅長尋曰旆繼旆曰旆杜本

鬪班王孫游王孫喜殿眾車入自純門及達市縣門不發

楚言而出子元曰鄭有人焉諸侯救鄭楚師夜遁鄭人將

奔桐丘**詁**京相璠曰桐丘鄭地也今圖無而城見存西南

去許昌故城可三十五里俗名之曰隄其城南卽長堤

固洧水之北防也西南桐丘其城邪長而不方蓋憑丘

之稱卽城之名矣水經注按杜注許昌縣東北有桐丘城

與道元說畧同謀告曰**詁**鄭元周禮注謀間也杜本楚

幕有鳥註廣雅幕帳也杜本此乃止冬饑臧孫辰告糴于

齊禮也築郿非都也凡邑有宗廟先君之主曰都詩疏引此

作邑有先君之廟曰都無曰邑邑曰築都曰城

二十九年春新作延廡書不時也凡馬日中而出日中而

入夏鄭人侵許凡師有鐘鼓曰伐無曰侵輕曰襲秋

有蜚為災也凡物不為災不書冬十二月城諸及防書

時也凡土功龍見而畢務註韋昭國語注辰角大辰蒼龍

之角角者星名也見者朝見東方寒露節也杜本此戒事

也火見而致用水昏正而栽註蔡邕月令章句引傳曰水

昏正而栽築惠棟曰水即營室也昏正者昏中也栽築

者栽木而始築也日至而畢樊皮叛王

三十年春王命虢公討樊皮夏四月丙辰虢公入樊執樊

仲皮歸于京師詩郡國志河內郡修武有陽樊服虔云樊

仲山之所居故名陽樊按漢鄧縣地亦有古樊城樂史

引郭仲產摯虞等記云樊本仲山甫之國卽今襄陽縣

樊城也與南號相去亦近楚公子元歸自伐鄭而處王

宮鬬射師諫則執而梏之詩服虔云射師若敖之子鬬班

也本鄭元周禮注在手曰梏在足曰桎杜本秋申公鬬

班殺子元鬬穀於菟漢書敘傳作穀於菟釋文云鬬穀漢書作穀按據陸氏所引則舊本作穀

也今通志堂刊本釋文穀作穀汲古閣本亦作穀皆誤爲令尹自毀其家詩廣雅

毀虧也按杜注訓滅義亦同俗本譌作滅非以紆楚國

之難詩毛傳紆緩也杜本冬遇于魯濟謀山戎也以其

病燕故也。𠙴地理志廣陽國薊故燕國。

杜本此

三十一年夏六月齊侯來獻戎捷非禮也。凡諸侯有四夷之功則獻于王王以警于夷中國則否諸侯不相遺俘。

三十二年春城小穀爲管仲也。齊侯爲楚伐鄭之故請

會于諸侯宋公請先見于齊侯夏遇于梁丘。秋七月有

神降于莘惠王問諸內史過曰是何故也對曰國之將興

明神降之監其德也將亡神又降之觀其惡也故有得神

以興亦有以亡虞夏商周皆有之。𠙴服虔云虞舜祖考來

格鳳凰來儀百獸率舞。

杜本疏

王曰若之何對曰以其物享

焉。𠙴

馬融易傳享祭也。

杜本此

其至之日亦其物也王從之

內史過往聞號請命反曰號必亡矣虐而聽於神神居莘

六月虢公使祝應宗區史嚚享焉神賜之土田史嚚曰虢其亡乎吾聞之國將興聽於民將亡聽於神神聰明正直而壹者也依人而行虢多涼德說文涼字下云爾雅涼薄也从无京聲廣雅同曹憲注曰涼良音世人作涼薄之涼水傍著京訓薄容古字假借今仍之其何土之能得 初公築臺臨黨氏賈逵云黨氏魯大夫任姓

史記集解 杜取此 見孟任史記作 孟女 賈逵云黨氏女同上杜史

記索隱云孟長任字也非姓從之服虔云從之言欲與通也 閼說文閼閉門也春秋傳曰閼門而與之

言而以夫人言許之割臂盟公服虔云割其臂以與

公盟史記集解生子般焉雩講于梁氏女公子觀之鄭元

禮記注雲祭天也

杜本此

按史記曰班長悅梁氏女往觀

留人犖自牆外與梁氏女戲班怒鞭犖左傳女公子句

疑有脫文杜注云女公子子般妹亦屬臆解史記所載

似近情理且女公子之稱別無所見也圉人犖

公羊傳僕人鄧

樂

自牆外與之戲服虔云圉人掌養馬者犖其名也

史記集解

子般怒使鞭之公曰不如殺之是不可鞭犖有力

焉能投蓋于稷門服虔云能投千金之重過門之上也

水經注

按杜注以爲走而自投接其屋之桷反覆門上殊

屬臆說劉炫規之是也又按水經注稷門亦曰雩門門

南隔水有雩壇壇高三丈梁氏居蓋近此門故於此講

肄也公疾問後於叔牙對曰慶父材問於季友對曰臣

以死奉般公曰鄉者牙曰慶父材成季使以君命命僖叔

待于鍼巫氏使鍼季酰之國服虔云鴝鳥一名運日鳥史記

集解曰飲此則有後於魯國不然死且無後飲之歸及達

泉而卒立叔孫氏 八月癸亥公薨于路寢子般即位次

于黨氏 冬十月己未其仲使圉人犇賊子般于黨氏國服

孔安國尚書傳賊殺也高誘呂覽注同成季奔陳國服

虔云季友內知慶父之情力不能討故避其難出奔同上

立閔公閔公記作湣漢書志竝作愍國服虔云閔公於是年九歲閔二年本疏

閔公元年春不書即位亂故也 狄人伐邢管敬仲言於

齊侯曰戎狄豺狼不可厭也諸夏親暱爾雅暱近也杜本

此不可弃也宴安酖毒不可懷也詩云豈不懷歸畏此



簡書簡書同惡相恤之謂也請救邢以從簡書齊人救邢

夏六月葬莊公亂故是以緩 秋八月公及齊侯盟于

落姑請復季友也齊侯許之使召諸陳公次于郎以待之

季子來歸嘉之也 冬齊仲孫湫來省難書曰仲孫亦嘉

之也仲孫歸曰不去慶父魯難未已公曰若之何而去之

對曰難不已將自斃爾雅斃踣也此杜本君其待之公曰

魯可取乎對曰不可猶秉周禮周禮所以本也臣聞之國

將亡本必先顛而後枝葉從之魯不弃周禮未可動也君

其務甯魯難而親之親有禮因重固服虔云重不可動

因其不可動而堅固之本說文因就也从口大按惠棟

稱說文植有禮因重固固就也从口大能大者眾圍就

之今考此係徐鍇說惠氏以爲說文誤也凡說文稱傳文皆云春秋傳無云左傳者其誤無疑杜注能重能固則當就成之義亦畧同間攜貳覆昏亂霸王之器也

晉侯作二軍公將上軍大子申生將下軍趙夙御戎

**詔**晉

語趙衰先君之戎御趙夙之弟也史記趙世家夙生共

孟孟生趙衰

杜注本晉語

按世本公明生孟及趙夙夙生成

季衰史記以衰爲夙孫旣誤晉語又以爲夙弟益非當

以世本爲正惠棟曰晉語無繆戾至此必傳寫之誤畢

萬爲右

**詔**

世本畢萬生芒季芒季生武仲州按州卽魏犢

杜本

以滅耿滅霍滅魏服虔云三國皆姬姓魏在晉

之蒲坂河東也

史記集解

地理志河東郡皮氏耿鄉故耿國

燕霍大山在東

杜本此

還爲太子城曲沃賜趙風耿賜畢

萬魏以爲大夫士爲曰太子不得立矣分之都城服虔

云邑有先君之主曰都

史記集解

而位以卿賈逵云謂將

下軍

同上杜取此

先爲之極服虔云言其祿位極盡於此

上同又焉得立不如逃之無使罪至爲矣大伯不亦可乎

王肅云大伯知天命在王季奔吳不反上同猶有令名

與其及也王肅云雖去猶可有令名何與其坐而及禍

也

上同

廣雅與如也襄二十六年傳亦同且諺曰心苟無

瑕何恤乎無家天若祚太子按左傳凡祚字皆當作胙

此及僖廿八年宣三年昭十一年卅年凡六處皆作祚

石經亦同以古字尚可通故不追改其無晉乎卜偃曰

畢萬之後必大**䷗**賈逵云卜偃晉掌卜大夫郭偃同上杜

萬盈數也魏大名也**䷗**服虔云數起一至萬為滿魏喻魏

巍高大也同上以是始賞天啟之矣**䷗**服虔云以魏賞畢

萬是為天開其福同上天子曰兆民諸侯曰萬民今名之

大以從盈數其必有眾初畢萬筮仕於晉**䷗**服氏以為畢

萬在周筮仕于晉本疏遇屯三三之比三三**䷗**賈逵云震

下坎上屯坤下坎上比屯初九變之比史記集解辛廖占之

曰吉**䷗**賈逵云辛廖晉大夫同上杜屯固比入吉孰大焉

其必蕃昌震為土車從馬足居之兄長之母覆之眾歸之

六體不易合而能固安而能殺公侯之卦也公侯之子孫

必復其始**䷗**馬融云畢毛文王庶子史記魏世家魏之先

畢公高之後也

杜取此

按史記云畢公高與周同姓而左

傳富辰說文王之子十六國有畢原豐郇小司馬亦言

畢公是文王之子與史記說不同

二年春虢公敗犬戎于渭汭

**汭**

水經注引作渭隊服虔云

隊渭汭也據此則服本作隊水經注又曰杜本作汭按

鄭元尙書注汭隈曲中也王肅云汭入也杜蓋本鄭說

舟之僑曰無德而祿殃也殃將至矣遂奔晉

夏吉禘于

莊公速也

初公傅奪卜

齎田公不禁

**田**

賈逵云卜齎魯

大夫

史記集解

秋八月辛丑共仲使卜齎賊公于武闈

**田**賈

逵云宮中之門謂之闈

同上

按賈注用爾雅釋宮文釋宮

又云其小者謂之闈今按杜注于門上增一小字是合

二句爲一于詰訓之道爲不通矣成季以僖公適邾其仲奔莒乃入立之以賂求其仲于莒莒人歸之及密使公子魚請不許哭而往其仲曰奚斯之聲也乃縊閔公哀姜之娣叔姜之子也故齊人立之其仲通於哀姜哀姜欲立之閔公之死也哀姜與知之故孫于邾齊人取而殺之于夷以其尸歸僖公請而葬之 成季之將生也桓公使卜楚丘之父卜之曰男也其名曰友在公之右間于兩社詁賈逵云兩社周社亳社也兩社之間朝廷執政之臣所在同上杜爲公室輔季氏亡則魯不昌詁服虔云謂季友出奔魯弑二君本又筮之遇大有三三之乾三三曰同復于父敬如君所及生有文在其手曰友遂以命之

冬十二月狄人伐衛衛懿公好鶴鶴有乘軒者註服虔云

車有藩曰軒

本疏

說文軒曲輶藩車也將戰國人受甲者

皆曰使鶴鶴實有祿位余焉能戰公與石祁子決與甯莊

子矢使守曰以此贊國

註

鄭司農周禮注贊助也

杜本

擇

利而爲之與夫人繡衣曰聽於二子渠孔御戎子伯爲右

黃夷前驅孔嬰齊殿及狄人戰于滎澤註書禹貢滎波旣

豬師古曰滎沔水決出所爲卽今滎澤是也京相璠曰

滎澤在滎陽縣西南按竹書紀年作洞澤洞當作洞洞

滎音同衛師敗績遂滅衛

註

詩載馳序云衛懿公爲狄

人所滅滅者懿公死也君死于位曰滅衛侯不去其旗

是以甚敗狄人囚史華龍滑與禮孔以逐衛人二人曰我

大史也實掌其祭不先國不可得也乃先之至則告守曰  
不可待也夜與國人出狄入衛遂從之又敗諸河初惠公  
之卽位也少齊人使昭伯烝於宣姜不可強之詩服虔云

昭伯衛宣公之長庶伋之兄宣姜宣公夫人惠公之母

詩疏

生齊子戴公文公宋桓夫人許穆夫人文公爲衛之

多患也先適齊及敗宋桓公逆諸河宵濟衛之遺民男女  
七百有三十人益之以其滕之民爲五千人立戴公以廬  
于曹詩序及鄭箋曹竝作漕釋文云音同按漕作曹古  
文省說文廬寄也詩毛傳亦同釋文寄止曰廬按管子  
中匡篇狄人攻衛衛人出旅于曹則廬字從本訓爲得  
韋昭注外傳亦同許穆夫人賦載馳齊侯使公子無虧



帥車三百乘甲士三千人以戌曹歸公乘馬祭服五稱牛

羊豕雞狗皆三百與門材歸夫人魚軒服虔云魚獸名

詩重錦三十兩服虔云重牢也本鄭人惡高克使帥

師次于河上久而弗召師潰而歸高克奔陳鄭人爲之賦

清人 晉侯使太子申生伐東山臯落氏賈逵云東山

赤狄別種史記集解服虔云赤狄之都也水經劉昭郡國志

注引上黨記東山在壺關城東南晉申生所伐今名平

泉里克諫曰高誘呂覽注引作李古賈逵云里克晉卿里季也

史記集解太子奉冢祀社稷之粢盛以朝夕視君膳者也服虔云

服虔云厨膳飲食同上杜故曰冢子君行則守有守則

從服虔云有代太子守則從之上同從曰撫軍服虔云

助君撫循軍士

同上

守曰監國古之制也夫帥師專行謀

誓軍旅君與國政之所圖也

**圖**

賈逵云國政正卿也

同上杜取

此

非大子之事也師在制命而已稟命則不威專命則

不孝故君之嗣適不可以帥師君失其官帥師不威將焉

用之且臣聞皋落氏將戰君其舍之**圖**服虔云舍之置申

生弗使將兵也

御覽

公曰寡人有子未知其誰立焉不對

而退

**圖**

服虔云里克不對

同上

見大子大子曰吾其廢乎對

曰告之以臨民教之以軍旅**圖**賈逵云將下軍

同上杜取此

不

共是懼何故廢乎且子懼不孝無懼弗得立**圖**服虔云不

得立已

同上

修已而不責人則免於難大子帥師公衣之

偏衣

外傳作衣之偏裘之衣

**圖**服虔云偏衣偏裘之衣異色駁不純

袷在中左右各異故曰偏衣

同高誘呂覽注偏半也杜取

此佩之金玦服虔云金玦以金爲玦也同狐突御戎

先友爲右梁餘子養御罕夷先丹木爲右羊舌大夫爲尉

先友曰衣身之偏握兵之要在此行也子其勉之偏躬無

慝兵要遠災親以無災又何患焉狄突歎曰時事之徵也

衣身之章也佩衷之旗也韋昭國語注衷中也杜本故

敬其事則命以始服其身則衣之純用其衷則佩之度今

命以時卒闕其事也衣之龙服鄭司農考工記注龙雜

也杜本遠其躬也佩以金玦弃其衷也服以遠之時以

闕之危涼說文牀白黑雜毛牛犛牂牛也春秋傳曰牂

犛惠棟曰牛之雜色者不中爲犧牲衣之不純者不得

爲大子若以龙爲惊義無所取古文省少或借涼爲惊

冬殺金寒玦離胡可恃也雖欲勉之狄可盡乎梁餘子養

曰帥師者受命於廟受賑於社韋昭國語注賑宜社之

肉盛以蜃器杜本此有常服矣不獲而龙命可知也死而

不孝不如逃之罕夷曰龙奇無常金玦不復韋昭應劭曰復

反也荀卿子曰絕人以玦雖復何爲君有心矣先丹木

曰外傳作僕人贊語是服也狂夫阻之韋昭服虔云阻止也方相之

士蒙元衣朱裳主索室中毆疫號之爲狂夫止此服言

君與大子以狂夫所止之服衣之本疏韋昭云狂夫方相

氏之士也阻古詛字杜注殊非曰盡敵而反敵可盡乎

雖盡敵猶有內讒不如違之詩毛傳違去也杜本此狐突

欲行羊舌大夫曰不可違命不孝弃事不忠雖知其寒惡不可取子其死之太子將戰狐突諫曰不可昔辛伯諗周桓公諗說文諗深諫也春秋傳曰辛伯諗周桓公按桓十八年傳本曰辛伯諫曰則諗訓說文爲長杜注諗告也雖本詩鄭箋究當以說文爲是云內寵竝后外寵二政嬖子配適大都耦國亂之本也周公弗從故及於難今亂本成矣立可必乎孝而安民子其圖之與其危身以速罪也諗服虔云速召也疾也言太子不去自必危疾召罪狐突知其難本旣成而太子拘于一節不達至孝之義與皋落雖戰勝而歸猶不能免乎難而使父有悖惑殺子之罪故傳備載眾賢之言以迹太子所以死也經在僖

公五年晉侯殺其大子申生御覽成風聞成季之繇繇服

虔云繇抽也抽出吉凶也

易釋文

按說文卜詞本作攲繇

字作繇徐鉉等曰今俗从缶遂借作搖謠猶游猷陶悠

等字只此繇字別無分別漢書文帝紀注師古曰繇音

文救反本作籀籀書也今考釋文石經並作繇姑仍之

詩鄭箋繇卦兆之辭也

杜本此

乃事之而屬僖公焉故成

季立之

僖之元年齊桓公遷邢于夷儀水經注引應

劭曰邢侯自襄國從此當齊桓公時衛人伐邢邢遷于

夷儀其地屬晉號曰邢丘臣瓚注漢書曰春秋狄人伐

邢邢遷夷儀不至此也今襄國西有夷儀去襄國百餘

里

二年封衛于楚丘邢遷如歸衛國忘亡 衛文公諡服虔

云戴公卒在於此年詩疏大布之衣大帛之冠詁鄭元禮

記注大白冠太古之布冠也春秋傳曰衛文公大布之

衣大白之冠正義引傳亦作大白務材訓農通商惠工

敬教勸學授方任能元年革車三十乘季年乃三百乘

春秋左傳詁卷六終

曾孫用懃校刊